



74
6272
4



6272
4

欽定禮部則例卷二十

儀制清吏司

彙封外藩親王福晉以下

一凡外藩自汗親王以下。應封者事隸理藩院。其福晉夫人及郡主等。下嫁應封者事隸禮部。每於封內藩之次年。將外藩汗親王郡王之福晉貝勒貝子公之夫人。及下嫁外藩之郡主縣主郡君縣君鄉君未受封者。稟疏請封。先行理藩院查明五年以內。應封之福晉及郡主等部。

水去五味均平藏

水去五味均平藏

落姓名造冊送部。其有遺漏舛錯或已經受封

宗室格格下嫁外藩王公。或不應封者仍行理

藩院更正

謹按乾隆四十年。理藩院奏准伊犁將軍咨送土爾扈特原任汗伍巴錫

之妻等五人請封。已逾彙封之期。請歸入此次彙封一併給

冊。○四十四年。彙封外藩王福晉內。土爾扈特親王奇哩布之福晉等均

未造具母家姓氏請

旨准其附入彙封冊語頒給。○五

十四年。理藩院將阿拉善親王旺沁班巴爾之

弟一等台吉公銜瑪哈巴拉之妻咨部請封查

彙封外藩俱係親王福晉以下。輔國公夫人以

上。瑪哈巴拉係奉

旨賞給公銜其妻應

不准封。○嘉慶五年。理藩院奏回子郡王銜貝勒

哈迪爾之母請

封冊。○七年。理藩院奏准哈迪爾之妻亦給與

封冊

○九年。喀爾喀郡王王蘊端多爾濟奏為生母請

封。奉 旨賞給多羅郡王福晉封冊。○十年

禮部奏准。喀爾喀貝勒忠吉勒車凌之妻等冊

報在彙封之先。查覆在彙封之後。請 旨併

入此次彙封。給與 封冊。○十一年。奉

上諭。爾里克扎特披爾屯等。均著照京城回子

台吉給與封誥。○十五年。議准。理藩院自行查

出。尚有應封外藩之蒙古汗親王福晉二位。郡

王福晉六位。貝勒夫人五人。貝子夫人八人。公

夫人十五人。係屬上年遺漏。將該院承辦司員

參處。并據奏准。一體補送題封。查外藩蒙古王

福晉等。已過彙封之期。茲據理藩院送到補行

請封各姓氏。應得 冊誥。可否附於嘉慶十

四年彙題頒發。至外藩尚有未行請封之福晉

夫人等。現據理藩院咨查各該姓氏。應俟續送

到日。歸入下次彙封辦理。奉 旨依議。○十

八年。奏准。查例載。凡封外藩王福晉貝勒貝子

夫人。給與紙 冊。公夫人。給與 冊命等

語。至台吉之妻。作何給與。封典之處例無

明文。當經行查理藩院據覆該衙門亦並無辦

過成案。惟查會典內載。台吉頂戴照在內官階

一等者同一品官則頭等台吉之妻自應比照

一品夫人之例辦理。今科爾沁貝勒鄂勒哲依

圖之木生母欽奉。特旨照伊父噶勒桑吹

木丕勒頭等台吉職銜賞給封典。應請將該貝

勒之木生母哈勒圖特氏比照一品夫人之例

給與頭等台吉夫人。封誥。俟

命下之日。移咨吏部遵照辦理。

一外藩王福晉以下。公夫人以上。及郡主以下

應封不應封。例與內藩同。

一外藩王福晉以下。公夫人以上。嫡室未經受

封而身故者。俟繼室請封時。造具部落姓氏。一

同報部請封。

一外藩王福晉貝勒貝子夫人及郡主縣主郡

君縣君均給紙

冊。公夫人鄉君均給

誥命准理藩院送到清冊分晰具題。

旨下。知會工部翰林院理藩院內閣典籍廳中書科

一體遵辦。

一

冊誥造成交出到部派員咨送理藩院喀爾喀內扎

欽定前朝貝例 卷二十一 儀制清吏司 三

薩克等處部落王福晉及格格等

冊誥發給該盟長青海哈密杜爾伯特烏梁海土爾

扈特和碩特王福晉等

冊誥由驛遞發該將軍大臣分別頒給至喀爾喀等

處公夫人以下鄉君

誥命由各該旗遣人至理藩院請領

冊匣袱鎖鑰等項先行工部造辦

每冊匣用白油布單一皮
條三寸半至需用棉花若干觔填黃杭

紬若干丈尺

部照數給發

一彙題後郡主以下有現在京城者准理藩院

咨文奏明請

旨將應給

制冊留京照內藩之例授

封

一外藩王福晉等身故後其原得

冊誥一概毋庸送銷

謹按嘉慶二十年奏准查外藩王福晉以下公夫人以上其應

封姓氏。例由禮部行文理藩院覈實造冊送部。五年彙題一次。王福晉等給與紙冊。冊公夫人給與。誥命。至王福晉等身故後。其原得冊誥。向由理藩院咨送禮部轉送內閣查銷。在案查定例。宗室王福晉等有從夫降革者。令將冊誥繳回。至外藩王福晉等身故後。繳銷。冊誥之處。例無明文。伏查例載外藩王公嫡室已故者。俟繼室請封時。一同報部請封。是未經受封身故者。尚得給與冊誥。其既經受封而身故者。轉將冊誥繳銷於例。意殊未允。協辦理亦未能盡。一應請旨。嗣後外藩王福晉等身故後。其原得冊誥。一概毋庸送銷。以符體制。

欽定禮部則例卷二十一

儀制清吏司

大婚

一恭遇

皇帝大婚。行欽天監擇納采。大徵。奉迎吉日。慶賀各事宜。會同內務府具奏製造。

冊

寶。詳見冊立卷內。供備儀物。交各衙門敬謹遵辦。得旨。通行各衙門。並知會后父家。

一納采以禮部尙書一員充正使。內務府大臣一員充副使。鴻臚寺官一員宣

制。大徵如之。

大婚以大學士一人充奉迎使。禮部尙書一員充副使。鴻臚寺官一員宣

制。均由部先後開列。奏請

欽派。并知會內閣。樂部鑾儀衛。鴻臚寺。欽天監官。屆期均朝服執事。

一納采筵宴行光祿寺豫備。並通傳王公文武

大臣。於是日早。赴后父家筵宴。其宴后母之公主。大臣命婦。由內務府具奏請

旨。禮部派官。查收內外職名。

一奉迎日

皇后鳳輦經行之處。應行清道。應開

大清門。

天安門。

端門。

午門。

太和門等中門行步軍統領

景運門護軍統領遵照辦理。

一納采奉迎及慶賀日應進

皇帝儀注奉迎盟饋慶賀等日應進

皇太后儀注均會同內務府豫期恭進其奉迎盟饋慶

賀等日應進

皇后儀注進

呈

御覽後繕送

皇后邸

一奉迎日以內大臣十員侍衛十員充護從官

八旗二品官以上命婦四人充前導七人充後

扈十人充恭侍並贊引侍儀宣讀女官均由內

務府具奏請

旨

一奉迎日

皇帝御殿遣使及前一日祭告事宜與

冊立同越三日行慶賀禮事宜與三大節同

其頒詔事

宜詳
頒詔卷內。

儀注

納采之禮。內務府官備文馬十。鞍轡具甲冑十幣

百布二百。是日早。禮部鴻臚寺官設

節案一於

太和殿內正中。內閣官自閣捧

節陳於案。內務府官以龍亭分載甲冑布帛。陳於丹

陛上左右。陳文馬於丹陛下左右。正副使祇候

於丹墀東鴻臚寺序班二員立。正副使後接

節大學士一人立

殿東檐下。宣

制鴻臚寺官一員立。大學士後。均朝服西面。鳴贊官

二員朝服分立

殿東西檐下。屆時。鳴贊官贊齊班。序班引正副使

就丹墀東班立。贊進。贊跪。叩興。行三跪九叩禮

畢。序班引正副使升東階。至丹陛上立。鳴贊官

贊有

制正副使跪。宣制官進至

殿中門之左西面宣

制曰。

皇帝欽奉

皇太后懿旨。納某氏某女爲后。命卿等持節行禮。納采

宣畢。大學士進

殿左門。詣案捧

節。由中門出。授正使。正使受

節。偕副使興。前行。降自中階之左。內務府官率校尉

昇亭。自中階下。衛士牽文馬隨行。

御仗前導。由

太和中門出。詣

皇后邸第。是日后。父飭子弟潔埽邸第。有司豫設案

一於廳事。正中南向。又設案二於左右。東西向。

正副使持

節。至邸。后父朝服跪迎於大門外。道右候。過隨入。正

副使入中門。升中階。正使陳

節。中案偕副使退。就案東西面立。龍亭至儀門外。止

內務府官捧甲冑布帛入。陳於左右案。衛士以

馬入陳於中階下左右訖。后父升自西階於廳事。中門外正中北面跪。正使傳

制納采。后父跪受。行三跪九叩禮。興。正使詣案捧節出。偕副使復

命。后父跪送於大門外。如初。內務府官皆退。是日皇后邸設納采宴。

皇帝特命公主。大臣命婦。宴后母於內。

命內大臣侍衛八旗公侯以下。滿洲二品漢二品以上官宴后父於外。如常宴儀。○大徵之禮。所司

備黃金二百兩。銀萬兩。金茶器一。銀茶器二。銀

盆二。幣千。文馬二十。鞍轡具閒馬二十。馱甲二十。

備

賜后父后母黃金百兩。金茶器一。銀五千兩。銀茶器

一。銀盆一。帛五百。布千。馬六。鞍轡具甲冑一。弓一。

鞬。矢一。簾。朝服各二襲。衣各二稱。皆冬一。夏一。

貂裘各一。帶一。備

賜后兄弟及從人服物有差。屆日。陳大徵禮物於丹

陛上。陳

賜物馱馬於丹陛下。禮部奏請

命使傳

制授

節於

太和殿如納采儀。正副使承

制持

節詣

皇后邸。執事官陳禮物於堂。陳

賜物於階上。陳馱馬於中階下之南。后父跪受行禮。

均如納采儀傳

制訖。后父率子弟於中階下之東向。

節行三跪九叩禮。豫往大門外祇俟。后母率諸婦出

於中階下之西向。

節行六肅三跪三拜禮畢。退。正使持

節出。偕副使復

命。后父以下跪送如初。執事官皆退。○大婚前一日

遣官各一人祇告

天

地

太廟後殿。

奉先殿如常儀。屆吉行

冊迎禮。是日早陳

皇帝法駕。鹵簿樂懸於

太和殿外。陳

皇太后儀駕樂懸於

慈寧宮。禮部鴻臚寺官設

節案。

冊

寶案於

太和殿內。設龍亭於內閣門外。鑾儀衛陳

皇后儀駕於

太和門階下及

午門外。內務府官陳冠服於鳳輿之南。內閣禮部

官自內閣捧金

冊。金

寶及宣讀

冊文

寶文分設龍亭內校尉昇行至

太和殿中階下亭止禮部堂官捧

節詣

太和殿陳

節中案陳

冊左案陳

寶右案正副使序立於丹墀東鹵簿之南授

節大學士宣

制鴻臚寺官舉

冊

寶案內閣禮部官均朝服序立於

殿檐下如

冊立

皇后遣使之儀欽天監官報吉時屆禮部堂官奏請

皇帝具禮服乘輿出宮禮部堂官前引出

隆宗門至

永康左門降輿入至

慈寧宮門左西向立內監轉奏

皇太后陞慈寧宮寶座禮部堂官引

皇帝就正中拜位行三跪九拜禮畢

皇太后還宮

皇帝自

永康左門乘輿仍入

隆宗門由

保和殿

御太和殿

午門鳴鐘鼓作樂鳴鞭序班引正副使就丹墀東

行禮畢升東階北面跪宣制官宣

制辭曰

皇帝欽奉

皇太后懿旨納某氏爲皇后茲當吉月令辰備物典冊

命卿等以禮奉迎宣畢大學士授

節於正使偕副使興執事官舉

冊

寶案由中階下設龍亭內以次出

太和門

皇帝還宮。鳴鞭。作樂。並如

冊立

皇后遣使之儀。龍亭由

太和中門出。正副使持

節前導。次

冊

寶亭。次

皇后儀駕冠服。內大臣侍衛隨。隨亭後行。由

大清門各中門至

皇后邸。是日宮殿監督領侍率內監備

交泰殿內外鋪陳。恭侍命婦朝服。豫詣

殿外祇候。導從命婦贊引侍儀。宣讀女官均朝服

及給事后邸內監均綵服。詣

皇后邸祇候。有司豫設

節案一於邸第之內堂正中。前設香案。均南向。又設

冊

寶案二於左右東西向設

皇后拜位於香案之南。侍儀女官四人立拜位左右。東西面宣讀女官二人立東案之南西面。內監於外堂階下承應。正副使至。

皇后邸后父率子弟朝服跪迎於大門外。候過隨入。正副使升中階立於外堂之東西面。

冊

寶亭隨入。權設於外堂左右。內務府官捧冠服授內監齋入。轉授女官以進。

皇后內鑾儀校陳鳳輿於階上正中。陳儀駕於階下。

左右至大門內。樂部和聲署設導迎樂於大門左右。后父由西階升。至外堂中門外正中北面跪。正使傳。

制。后父行三跪九叩禮畢。退。正使授

節於內監。副使自龍亭捧

冊

寶以授內監。由中門入。

皇后御禮服。引禮女官二人恭導。出迎於內中門道右立。候過後。后母率諸婦咸朝服跪迎。隨入。內監

捧

節

冊

寶陳於各案引禮女官引

皇后就拜位跪宣讀女官次第宣

冊

寶

皇后受

冊受

寶行禮均如宮中

冊立儀內監捧

節出以授正使

皇后及后母祇送如初女官捧

冊

寶仍授內監分設於龍亭欽天監官報升輿吉時屈

內鑾儀校進鳳輿於內堂階下正中南向女官

恭導

皇后升輿后母率諸婦送至輿前

皇后升鳳輿。后母及諸婦退。正副使持

節出。乘馬先行。后父跪送於大門外。導迎樂前導。陳而

不作。次儀駕。次

冊

寶亭。次

皇后鳳輿啟行。出大門。前導命婦四人。後扈命婦七

人。均乘騎。內監步行。左右扶輿。內大臣侍衛在

後。乘騎護從。由

大清門中門入。至金水橋。正副使下馬。持

節入。

皇后輿至

午門外。鳴鐘鼓。儀駕止。九鳳曲蓋前導。執事命婦

下馬。步行導從。內大臣侍衛於金水橋步從。由

午門

太和門中門入

中左門。

後左門。至

乾清門。龍亭止。正副使復

次定豐。卽列

卷二十一

儀制清吏司

四

命偕內大臣侍衛各退。內監捧

冊

寶前導。鳳輿入

乾清門中門。至

乾清宮階下。內監奏請

皇后降輿。請

交泰殿導從。命婦各退。恭侍命婦祇迎

皇后入中宮。內監捧

冊

寶授守寶內監退。合巹吉時屆。宮中設合巹宴宮殿

監督領侍具奏。

皇帝禮服御中宮。行合巹禮。給事宮人恭侍命婦皆

退。翼日早。內監侍豫設朝見拜位。於

慈寧宮內正中。北向。

皇后禮服出中宮。乘輿導從如儀。贊引命婦引詣

慈寧宮降輿。至丹陛上西位東向立。內監轉奏

皇太后禮服出內宮。贊引命婦引

皇后詣正中拜位。行六肅三跪三拜禮。尚食潔具。

皇后盥饋

皇太后御席又具

皇太后醴饗

皇后御席詳精膳司行禮畢

皇太后還宮贊引命婦引

皇后出乘輿還中宮執事命婦皆退越日

皇帝率羣臣詣

皇太后宮行禮

御太和殿王公百官上表慶賀

頒詔宣示天下

皇后詣

皇太后宮行禮詣

皇帝前行禮公主福晉命婦詣

皇后宮行禮均如

冊立

皇后之儀是日

皇帝御太和殿

賜后父及其族屬宴王公百官咸與

皇太后御慈寧宮。

賜后母及其親屬宴公主福晉夫人。大臣命婦成與。詳

司膳

欽定禮部則例卷二十二

儀制清吏司

皇子婚禮

一

皇子成婚。一切禮文儀物。內務府承

旨遵辦初奉

旨指婚。內務府移咨到部。轉行該旗。知會福晉本家

若外藩女。行
理藩院轉傳由內務府奏明指婚吉日。並請

簡夫婦偕老大臣一員襄事

旨下咨部行該衙門轉傳襄事大臣偕福晉父屆吉
咸蟒袍補服詣

乾清門

駕駐圓明園
出入賢良門祇候傳

旨謝

恩行禮禮部堂官率屬吉服司儀

一指婚後

皇子往福晉父家行禮內務府奏明吉期咨部
行知本家豫備

一初定事宜內務府會同禮部具奏得

旨咨部轉傳福晉父家行宗人府轉傳宗室覺羅二
品以上行吏部兵部轉傳滿洲世爵二品以上
行領侍衛內大臣除該班內大臣侍衛停止傳
集其餘內大臣侍衛均於筵宴日往福晉父家
咸集行鴻臚寺派員引進行兵部撥派官兵於
筵宴處巡邏行欽天監派員候時禮部派員查
收職名行宗人府八旗滿洲蒙古漢軍都統轉
傳二品以上大臣命婦於筵宴日咸集其福晉
父家親族中有頂戴人員應一體與宴並行查

男婦入宴人數。造冊送部。轉送內務府辦理。按謹

乾隆十九年。皇四子初定禮。八旗命婦停止。傳集。嘉慶十三年奉旨。昨日二阿哥福

晉行初定禮。所有例應與宴之大臣等。至巳正。二刻始行到齊。殊屬怠惰。因循疲玩。本應交議

姑念非朝會大典。此次從寬免議。此後須各加。警省。方勤戒怠。以副朕期望至意。該大臣等。或

因趨朝奏事。或因帶領引見。於退直後始往入。宴。未免拘泥遲緩。嗣後凡遇吉禮筵宴。俱著定

為辰初初刻。其例應與宴之大臣。如屆期適有。進內承直等事。即著知會扣除。無庸久候。十四年奉

旨。據內務府具奏。四阿哥娶福。晉行成婚禮。事儀內有王福晉等。停止入宴一

語。殊不成話。著傳諭禮部將親郡王福晉。並貝。勒貝子公等夫人。及二品以上大臣之妻室。於

五六日內行取職名。開列清單。具奏請派。其。儀注內侍衛妻室入宴一節。嗣後著停止。

旨咨部抄錄儀注。行知福晉父家及各衙門。

一初定儀注。內務府會同恭進得

一成婚合巹時。應派贊事夫婦各二人。行領侍

衛內大臣。八旗滿洲都統將內大臣侍衛。一品

以下。有頂戴官員以上。結髮夫婦。開明年命。造

具印冊送部。轉送內務府。由內務府派定。並指

令伺候之處。移咨到部。轉行該旗令各本家遵

照

一成婚事宜。內務府會同禮部具奏得

旨咨部。凡筵宴應傳應派及轉查入宴人數。辦理與初定禮同。咸集筵宴處所。若分府後。卽於府第咸集。其成婚儀注。會同恭進行。知福晉父家及各衙門。並如前例。

一 成婚日。行鑾儀衛。備綵輿。行兵部。步軍統領。屆期。飭屬灑掃清道。行護軍統領。五鼓開門。其應用鑾籠火把紅氍。均由內務府豫備。向例成婚日不用鼓樂。用鑾籠八個。火把十枝。紅氍二十條。謹按嘉慶十一年。禮部會同內務府鑾儀衛奏。准再增鑾籠八個。火把十枝。紅氍二十條。並欽奉諭旨。不准用儀杖。

皇子福晉。行九日歸寧禮。內務府定期。知會到部。轉行福晉父家。並行該旗。轉傳前派贊事夫婦各二人。於

皇子宮門外祇候。行兵部。步軍統領。飭屬清道。與成婚日同。

儀注

指婚之禮。襄事大臣。偕福晉父。蟒袍補服。詣

乾清門東階下。福晉父北面跪。襄事大臣西面宣

有

旨今以某氏女作配與皇子某為福晉福晉父承
旨訖行三跪九叩禮興退。○擇日

皇子綵服往見福晉父母至門福晉父綵服迎
於門外。

皇子入升堂。

皇子拜福晉父答拜三拜興見福晉母

皇子拜福晉母答拜如前儀辭出福晉父送於

門外。○初定禮內務府具儀幣金約領一。銜東
膝七

大金簪三。銜珍珠
各五。小金簪三。銜珍珠
各一。金耳六。銜
東

珠各一。金釧四。金衣鈕百。銀衣鈕二百。製衣貂皮

一百有四十。製帽貂皮三。製衾褥狐皮二百有

五十。緣朝服水獺皮七。采幣表裏一百。棉三百

觔

賜福晉父。金十兩。銀七百兩。狐皮朝衣一。薰貂帽一。

金帶佩飾鞞襪具。馬一匹。鞍轡具。福晉母。銜珍

珠金耳六。狐肱袍一。緣朝服獺皮六。馬一匹。鞍

轡具。如福晉父無爵秩者。停給朝衣。及
綠朝衣。獺皮。給狐肱衣服一襲。屆日昇

以綵亭。以內務府大臣將事。福晉父朝服迎於大門外。入陳儀幣於堂。陳

賜幣於階上。陳馬於中階下。以次授福晉父。福晉父跪受訖。率子弟序立於中階下之東。望

闕行三跪九叩禮。福晉母率諸婦出。序立於中階下之西。望

闕行六肅三跪三拜禮。內務府官退。福晉父送於門外。是日福晉第設宴於廳事。鴻臚寺官引入。宴官就宴畢。望

闕行三跪九叩禮退。設內宴於中堂。內務府管領妻。給事如儀。○成婚前一日。福晉家以糗奩送皇子宮。鋪陳屆日。皇子蟒袍補服。詣

皇太后

皇帝

皇后前行禮。若

妃

嬪所出。並於

妃

嬪前行禮各如儀。內務府選隨從命婦。豫詣福晉家祇候。贊事命婦。豫詣

皇子宮內別室祇候。步軍統領。飭屬灑掃清道。

鑾儀衛備綵輿。轎用紅緞幃。擡轎執事用校尉

俱穿駕衣。內務府大臣。率屬官二十員。蟒袍補服。護

軍四十名。至福晉第奉迎。福晉家成綵服。以俟

內鑾儀校奉綵輿陳於中堂。執事女官。以升輿

吉時告。福晉禮服升輿。母率諸婦送於庭。父率

子弟送於門。內校昇綵輿行。頭班末班用內監。女官隨

從出大門乘馬。內務府總管率屬及護軍前後

導護。行至

紫禁城門外。眾下馬步入。女官隨綵輿入。至

皇子宮門前下輿。女官恭導入宮。合盃吉時。贊

事命婦上合盃酒

皇子與福晉行合盃禮。執事皆退。是日於

皇子所居宮近處。張幕結綵設宴。福晉父母親

族及八旗二品以上大臣命婦咸集。謹按乾隆三十五年

四月 皇十二子成婚福晉父家親族台吉蟒
噶拉瑪之妻管旗章京濟爾噶爾之妻均未受
封移咨內務府如初定儀婚禮既成
辦理俱經入宴

皇子偕福晉夙興朝服內務府管領妻二人導
詣

皇太后

皇帝

皇后前行朝見禮

皇子三跪九叩福晉六肅三跪三拜次詣所出

妃

嬪前行禮

皇子二跪六叩福晉四肅二跪二拜各如儀如

聖駕行幸駐蹕俟
回鑾擇吉行禮 ○既婚之九日行歸寧禮

皇子偕福晉至福晉家福晉第設宴畢皆還率

不過午

皇孫皇會孫婚禮

一

皇孫皇會孫婚禮由內務府辦理會同禮部具
奏後禮部傳行咸集既分府即傳行於府第咸

集謹按乾隆五十九年定親王綿恩之子奕紹繼娶福晉奉

初定成婚日俱未傳行成集

皇孫娶福晉初定禮用金約領一銜珊瑚東珠七大金

簪三銜珍珠各五小金簪三銜珍珠各一金珥六銜珍珠各一

金釧四金衣鈕百銀衣鈕二百製衣貂皮一百

有四十製帽貂皮三製衾褥狐皮二百有五十

緣朝服海龍皮七采幣表裏八十棉二百五十

觔

皇曾孫娶福晉初定禮用金約領一銜珊瑚東珠七大

金簪二銜珍珠各五小金簪二銜珍珠各一金珥二銜珍珠各

一。金釧四金衣鈕六十銀衣鈕百三十製衣貂

皮一百有四十製帽貂皮三製衾褥狐皮二百

有五十緣朝服海龍皮七采幣表裏五十棉一

百七十觔

欽定禮部則例卷二十三

儀制清吏司

王公以下宗室覺羅婚禮

一凡王以下公以上奉

旨賜婚者咸蟒袍補服詣

乾清門謝

恩行禮既成婚日行禮亦如之

一王公之子未受爵者婚禮各視其父已受爵者各從其爵覺羅有官者從其品無官者視閒

散宗室。

一凡親王。郡王。婚娶。親王以下。侍郎。男爵以上。公主。福晉以下。郡君。貝子夫人以上。俱會宴。貝勒婚娶。郡王以下。尙書。子爵以上。郡主。郡王。福晉以下。郡君。貝子夫人以上。俱會宴。貝子婚娶。貝勒以下。公以上。暨本旗官屬。郡君。貝勒夫人以下。縣君。輔國公夫人以上。俱會宴。鎮國公。婚娶。貝子以下。奉國將軍以上。及本府官屬。貝子夫人以下。奉國將軍。淑人以上。俱會宴。諸王。福

晉。公主等。本家自行請集。民公以下。諸大臣。由部傳集。

一親王婚禮。納幣。用金約領一。金珥六。金釵大小各三。金指環十。均綴以珍珠。綵繪衣裳九襲。緞衾褥七具。金二十兩。銀千兩。給女父朝衣冠各一。帶鞞具。女母。金珥二。綵衣裳一襲。又鞍馬二匹。若聘外藩王。貝勒。台吉之女。初定行。七。九。禮。用牲六十。有三鞍馬。甲冑各三。銀器一具。緞十有一疋。布四十二疋。納幣。外藩親王女。用鞍

馬甲冑各十有二。閒甲二十有四。緞六十疋。布六百疋。銀器三具。外藩郡王之女。鞍馬甲冑各十。閒甲二十。緞五十疋。布五百疋。銀器三具。外藩貝勒之女。鞍馬甲冑各八。閒甲十有六。緞四十疋。布四百疋。銀器三具。外藩台吉之女。鞍馬甲冑六。閒甲十有二。緞三十疋。布三百疋。銀器二具。給女父母送女來者。冬夏衣各一襲。貂裘一。帶一。弓一。韆。矢一。箛。甲冑各一。鞍馬一。緞三十疋。布二百疋。銀器三具。女之兄弟來者。衣一襲。給隨從男婦三十人。衣服各有差。

一親王世子。郡王。婚禮。納幣。用金指環八。綵繪衣裳八襲。緞衾褥六具。金十兩。銀七百兩。餘物準親王。若聘外藩王貝勒台吉之女。初定與親王同。納幣。若外藩親王。郡王女。如親王聘外藩郡王女之數。貝勒台吉女。如親王。聘外藩貝勒台吉女之數。給女父母及其兄弟送女來者。係親王郡王所給之數。並得準親王。係貝勒台吉視親王婚禮。減緞五。減布五十。給隨從男婦二

十五人。衣服各有差。

一郡王長子貝勒婚禮。納幣。用金指環六。綵繪衣裳七襲。緞衾褥五具。金五兩。銀五百兩。給女父母。繒衣不綴綵。鞍馬一。閒馬一。餘物準郡王。若聘外藩王。貝勒。台吉之女。初定行五九禮。用牲四十五。鞍馬甲冑各二。銀器一具。緞八疋。布三十疋。納幣。如親王聘外藩貝勒女之數。給女父母及女之兄弟送女來者。係親王郡王所給之數。均得準親王。係貝勒台吉。視郡王婚禮減。

緞五。減布五十。鞍馬減一。銀器減一。易貂裘以槍狽。給男婦二十人。衣服各有差。

一貝子婚禮。納幣。用金指環四。金釵大小各二。緞衣裳六襲。不綴金珠。緞衾褥四具。銀四百兩。給女父母。視貝勒婚禮。又減閒馬一。餘物準貝勒。若聘外藩王。貝勒。台吉之女。初定行三九禮。用牲二十有七。鞍馬甲冑各一。銀器一具。緞四疋。布十有九疋。納幣。如親王聘外藩台吉女之數。給女父母及其兄弟送女來者。係親王郡王。

所給之數。均得準親王。係貝勒台吉。視貝勒婚禮。又減緞五。減布三十。銀器減一。易捨狝獐以狐裘。給隨從男婦十有五人。衣服各有差。

一宗室公婚禮。鎮國公納幣。用緞衣裳五襲。銀三百兩。餘俱準貝子。若聘外藩。玉貝勒台吉之女。初定行二九禮。用牲十有八。鞍馬甲冑各一。銀器一具。緞三疋。布十有一疋。納幣鞍馬甲冑各五。閒甲十。緞二十五疋。布二百五十疋。銀器二具。給女父母送女來者。並女之兄弟及隨從

男婦。均準貝子。輔國公納幣。用緞衣裳四襲。緞衾褥三具。不備銀兩。餘俱準鎮國公。若聘外藩王。貝勒台吉之女。初定行一九禮。用牲九。鞍馬甲冑各一。銀器一具。緞三疋。布二疋。納幣鞍馬甲冑各減一。閒甲減二。緞減五。布減五十。給女父母送女來者。並女之兄弟及隨從男婦。均準鎮國公。

一宗室將軍婚禮。鎮國將軍納幣。用金約領一。金簪二。金珥二。緞衣三襲。布衣一襲。緞衾褥二。

具。布衾褥一具。輔國將軍納幣。緞衣裳及衾褥各減一。奉國將軍納幣。無約領。餘均同。閒散宗室婚禮。納幣。金珥二。緞衣二襲。布衣一襲。緞衾布褥一具。

官民婚禮

一凡民公以下百官未受爵之子。父為納婦者。禮視其父。已受職者。各從其品。

一凡民公婚禮。納幣。金約領一。金簪四。金珥二。緞衣四襲。緞衾褥三具。侯伯婚禮。金簪減一。餘

皆準公。

謹按乾隆三十六年。固倫額駙。科爾沁親王。色布騰巴爾珠爾之第三女。奉

旨。指與。敖漢輔國公。桑濟扎爾之子。濟克濟扎布。第四女。指與。和碩額駙。忠勇公。福隆安之長子。豐紳濟倫。其指婚日。均行知。豫備。紅摺謝恩。

一凡一品官婚禮。納幣。金約領一。金簪三。金珥二。緞衣三襲。緞衾褥三具。二品官。衣及衾褥各減一。三品官。金簪減一。四品官。衣及衾褥又各減一。無金簪。五品六品以下均同。其金約領。及金珥。四品以下各視其力。能具者備用。軍民以下人等婚禮。納幣。衣一襲。衾褥一具。

欽定禮部則例卷二十四
儀制清吏司
一凡有品級官員婚嫁或用本官執事鼓樂人不得過十二。鑼不得過十二。生監軍民不得僭用執事。鼓樂人不得過八。鑼不得過八。庶民婦女不得僭用冠帔。補服。大轎。

欽定禮部則例卷二十四

儀制清吏司

公主釐降

一凡公主釐降初定成婚各事宜俱會同內務府承辦。初奉

旨指婚。由內務府奏准吉期。並請

派夫婦偕老之大臣一員襄事。

命下咨部。行知額駙及襄事大臣。屆期咸蟒袍補服

詣

乾清門祇候傳

旨如皇子婚禮。

一公主係

皇后所出為固倫公主塔為固倫額駙品級與固山

貝子同係

妃所出為和碩公主塔為和碩額駙品級與超品

公同禮部於指婚後奏請

欽定額駙品級並分別應用帽頂朝服坐褥等項行

文該旗知會額駙若外藩行理藩院知會行內

務府備公主帽頂朝服首飾行工部備儀仗轎

車知會宗人府吏部戶部兵部一體遵照

謹按乾隆

四十年欽奉

諭旨下嫁蒙古王公之公

主等所生之子本各有應得品級毋庸另為辦

理嗣後在京公主所生之子至十三歲時如係

固倫公主所生即給予伊父固倫額駙品級和

碩公主所生即給予伊父

和碩額駙品級著為例

一公主應得儀仗由工部造辦於下嫁日陳設

導引仍於公主九日歸寧時在府陳設

公主儀仗向係

九日歸寧陳設謹按嘉慶十一年禮部會同內務府鑿儀衛奏准於下嫁日一例陳設導引

一固倫公主初定日成婚日筵宴二次和碩公

至初定日。筵宴一次。其初定成婚各事宜均與固倫公主同。

一初定成婚各吉期。內務府知照到部。割欽天監擇筵宴吉期。將初定事宜會同內務府具奏。

額駙於前一日進一九禮駝一。馬八。屆日進宴。

九十席。牲九九。酒四十五罇。其額駙應進宴席。

交光祿寺代辦。謹按乾隆五十四年。固倫和孝公主初定禮筵宴奉旨

所有應用桌張。著內務府備辦。羊酒不必令額駙家豫備。亦著官辦。恭進

御前及

皇太后

皇后

皇貴妃

貴妃

妃

嬪前。嘗用席及反坫金器。俱交內務府豫備黃幕。

交武備院陳設。鑿儀衛停設儀仗。

旨下。行知額駙及各衙門。

一初定一九禮。額駙應於

午門前納進豫期具奏得

旨行知額駙並令上駟院收駝馬

謹按康熙三十六年固倫恪靖公主

釐降時

聖祖仁皇帝駐蹕蒙

古噶拜口額駙於

行在進一九禮

一初定筵宴

皇帝前進酒大臣應用內大臣一員或額駙族中二

品以上官外藩以該族王公等由部移取銜名

皇太后前進酒命婦應用內大臣命婦一人或額駙族

中命婦外藩以該族王公福晉夫人均由部移

取銜名開列奏

派

奏

派

皇得

旨知會各處及執事衙門

謹按嘉慶六年和碩莊敬公主初定禮應奏

一人於

皇后前進酒因內大臣並無列銜

命婦祇據理藩院將科爾沁固山貝子鄂爾哲

依圖之妻開送禮部奏請即以鄂爾哲依圖

之妻於

皇后前進酒奉

旨不必派

一

保和殿筵宴時應行入宴之內大臣侍衛及額駙

族中有頂戴人員以上

慈寧宮筵宴時應行入宴之額駙族中女眷均豫行移

取數目并名爵班次以備陳設桌張其餘大臣

官員及福晉格格命婦等。停止傳集至王等入
宴。仍移取銜名。繕寫紅頭牌奏

派得

旨。行知宗人府遵照。

一初定成婚日筵宴

皇子及滿洲大學士尚書。漢大學士尚書等應

否入宴。豫期具奏請

存。

謹按乾隆十二年。固倫和敬公主初定禮。筵宴禮
部奏請入班大臣俱令入宴。○三十五年。固倫和
靜公主初定禮。筵宴奉 旨滿漢大學士
尚書等俱令入宴。並派滿大臣命婦八人令其

入宴。○又准理藩院奏請。現在住京之科爾沁

王公等一體入宴。○五十四年。固倫和孝公主

初定禮。筵宴奉 旨皇子等亦著入宴。其入宴

坐次禮部遵 旨繕寫紅頭牌。奏請

欽定。○又禮部奏准滿洲大學士尚書。漢大

學士尚書等一併入宴。○嘉慶六年。和碩莊敬

公主初定禮。筵宴奉 旨添派皇子入宴。並

派鄭親王等八人入宴。○又奏准滿洲大學士

尚書。漢大學士尚書等。均著入宴。○七年。固倫

莊靜公主初定禮。成婚禮。筵宴。禮部請 旨

皇子應否入宴。奉 旨二阿哥及鄭親王等

八人。並滿洲大學士尚書。漢大學士尚書等。俱

著入宴。三阿哥不必入宴。○又奉 旨固倫

莊靜公主下嫁。舉行筵宴。著公盛任

一併入宴。坐次在工部尚書之次

一筵宴

皇太后御慈寧宮。

皇帝御保和殿。如

駕在圓明園。禮部另奏請

旨如遇

巡幸駐蹕。額駙族中人員筵宴之處。應請停止。至額

駙族中女眷。應於何處筵宴。奏交內務府請

旨。咨部。知會額駙及各衙門。謹按康熙三十九年。和碩溫憲公主薨。降。

聖祖仁皇帝御暢春園筵宴。御澹泊為德處筵宴。乾隆十二年。固倫和敬

公主薨。降。先經奏准。高宗純皇帝御保和殿筵宴。皇太后御慈寧宮筵宴。後因

皇太后未御筵宴。改設於寧壽宮額

駙族中女眷。先於慈寧宮門外行禮。畢

至寧壽宮祇候。皇太后御筵宴。如儀。○

三十五年。固倫和靜公主薨。降。高宗純皇帝御正

御九經三事處筵宴。大光明殿筵宴。○五十四年。固倫和孝公主薨。降。

高宗純皇帝御正大光明殿筵宴。○嘉慶六年。和碩莊敬公主薨。降。奉

旨。著於保和殿筵宴。其內廷筵宴。在宮內舉行。○七年。固倫莊靜公主薨。降。皇上御保和殿筵宴。

儲秀宮筵宴。皇太后御

一管宴大臣請旨。交內大臣派出。其分送茶酒。用侍衛擡桌捧肉。用

上三旗護軍叅領。俱付精膳司承辦。

慈寧宮筵宴。鋪坐褥。散茶酒。用侍衛命婦俱付精膳司

承辦。

一筵宴日。

殿上應鋪坐褥。毳毯。建涼棚。下榻扇。行內務府工

部武備院等處豫備。行欽天監派官候時。

一行領侍衛內大臣派前引命婦八人。引禮命

婦四人。各具蟒服。祇候

宮門外引

皇后

皇貴妃

貴妃

妃

嬪

慈寧宮筵宴。

向例

慈寧宮筵宴。奏蒙古樂曲。垂

簾容工部備辦。謹按乾隆五十四年。奏准

查向例。固倫公主下嫁筵宴。內庭主位。俱至

慈寧宮。隨同入宴。今固倫和孝公主下

嫁。內庭主位。應否筵宴之處。請

旨。著在永壽宮筵宴。

皇太后

次定禮部則例

卷二十四

儀制清吏司

三

皇帝

皇后筵宴儀注。行工部取黃綾紙繪圖進。

呈並奏令內務府內大臣侍衛會同禮部至日設席。

恭准

皇帝宴圖由禮部呈進。

呈

太后

皇后宴圖奏交內務府屆期恭進。

一知會入宴王大臣侍衛額駙族中人員執事

官員於筵宴前一日咸集

內廷演禮進爵命婦前引引禮命婦額駙族中女

眷一體咸集

慈寧宮演禮工部內務府光祿寺鴻臚寺偕禮部官一

體咸集

一

保和殿宴畢餘剩桌張交護軍統領內務府總管

散給護軍拜唐阿

寧宮宴畢餘剩桌張交該處首領內監散給拜唐阿

內監

謹按乾隆五十四年奏准固倫和孝公主

成婚日遵旨額駙家筵宴所剩

桌張交額駙家自行散給請

旨後行各該衙門遵照

一成婚期近內務府移咨到部禮部會奏成婚

欽定禮音具傳

卷二十四

儀制清吏司

三

事宜奉

旨後行知額駙及各衙門。

一固倫公主成婚日筵宴一切應奏應行事宜。

均與初定同。

謹按乾隆五十四年固倫和孝公主成婚日。在額駙家筵宴。奉

旨皇子王等不必入宴。三品以上滿洲大臣俱著前往入宴。和碩公主成婚

日停止筵宴。餘與固倫公主同。

一額駙於成婚前。豫進九九禮鞍馬各二九甲。

胄二九馬二十有一。駝六。進宴九十席。牲九九。

酒四十五罇。具奏得。

旨行知額駙。并上駟院收駝馬。武備院收盛甲鞍轡。

一公主額駙。生年月日。并下嫁日。升轎梳頭合

巵吉時。行坐迎向。合巵處方向。以及梳頭合巵

迎送陪侍。宜用年命相合之人。并避忌之三相

人。行內務府掌儀司。開送過部。轉行知會各處

一行宗人府。咨取王福晉貝勒貝子公夫人內

年命相合無忌者。開列送部。轉送內務府奏請

欽派一人。於成婚日送親。

一成婚前一日。陳設粧奩。用內管領妻各二人。

公主詣府前引後隨內務府大臣一員隨往并用內務府官四員內管領二員護軍參領二員護軍校二員護軍二十名及賸送人戶等均由內務府辦理。

一行鑾儀衛備公主綵輿派昇輿及各執事校尉

俱穿昇輿之頭班末班內監並應用鑿籠火

把紅氊由內務府豫備派出向例用鑿籠八個

十條謹按嘉慶十一年禮部會同內務府鑿儀衛奏准再增鑿籠八個火把十枝紅氊二十

一行內務府查明綵輿所出

官門所由街道知會步軍統領護軍統領兵部屆期開門飭屬灑掃清道行欽天監堂官率屬候時禮部堂官一員率屬前往督理

一合卷禮用羊九酒九瓶額駙家自備部備藍

幔一合卷時應用年命相合之結髮夫婦各二

人醮祝豫行領侍衛內大臣八旗滿洲都統將

內大臣侍衛一品以下四品以上命婦開送轉

送內務府奏

派應造黏飯用內管領結髮夫婦宰備羊隻用結髮

之飯上人均由內務府辦理

一公主門上看守派護軍叅領一員護軍校護

軍共十名兩旁門派閒散章京各一員領催披

甲共十名俱由內務府辦理

一成婚翼日內務府備飯六桌茶四桶由內務

府大臣暨內管領妻等送至公主府

一九日歸寧行謝

恩禮。欽天監選擇吉期內務府具奏歸寧事宜禮部

具奏謝

恩儀注得

旨知會額駙鴻臚寺行內務府派管領妻二人導引

派內務府官護軍叅領各一員護軍校二員護

軍二十名前引後隨公主行禮應在何處交官

殿監督領侍奏請額駙於

宮門外行禮禮部鴻臚寺堂官帶領其行文開門

及打掃街道之處與成婚日同謹按乾隆十二年奏准向例公

主九日歸寧後欽天監另擇吉行謝恩

禮伏思歸寧之日係釐降後初次瞻仰理應謝恩請嗣後公主九日歸寧時即行謝恩禮

和頌和嘉公主固倫和靖公主九日歸寧額駙俱遵
旨進內與公主一同行禮今固倫和孝公主歸寧額駙豐紳殷德可否進內行禮之處請
旨奉
與公主一同行禮○嘉慶六年和碩莊敬公主歸寧奉
旨索特那木多布齋著進內與公主一同行禮○七年固倫莊靜公主歸寧奉
旨照莊敬公主之例公主額駙一同進內行禮

一公主成婚後行

冊封禮詳見冊封卷內

儀注

指婚日襄事大臣偕額駙蟒袍補服詣

乾清門東階下額駙北面跪襄事大臣西面立宣

有

旨今以某公主擇配某額駙祇受

命行三跪九叩禮興退屆吉額駙詣

午門前恭進初定一九禮得

旨分納所司次日早樂部和聲署設中和韶樂於

保和殿檐下設丹陛樂於

中和殿後檐下俱北向入宴之王內大臣侍衛及

執事官員俱穿蟒袍補服其執事之拜唐阿人

等俱穿蟒袍。張黃幕。設反坫於

中和殿後階下正中。臺蓋壺卮皆具。尚膳總領內
管領設

御筵於

寶座前正中稍遠。內大臣。內務府大臣。禮部。光祿寺
堂官。共視豫設各席。陳肉於盤。是日鴻臚寺官
引額駙并伊族中人員。俱朝服先詣

皇太后宮

慈寧門前。不贊行三跪九叩禮。禮畢。引至

保和殿丹陛上立。入宴之王大臣侍衛各就班次
立。屆時禮部堂官奏設宴齊備。

皇帝具龍袍衮服陞

保和殿。中和韶樂作。奏隆平之章。

皇帝陞

寶座。樂止。鴻臚寺鳴贊官贊排班。鴻臚寺官引額駙
並族中人員排班。鳴贊官贊行三跪九叩禮。丹
陛樂作。奏治平之章。禮畢。樂止。鴻臚寺官引額
駙并伊族中人員入班次。與眾俱行一叩頭禮。

坐。護軍叅領膳房總領移

御筵就近。丹陛清樂作。奏海宇昇平日之章。尚茶官進茶。

皇帝用茶時。衆俱於坐次跪。行一叩頭禮。茶畢。侍衛進前散茶。衆俱於坐次行一叩頭禮。飲畢。復行一叩頭禮。坐樂止。展席幕。掌儀司官就反坫取捧臺盞。壺卮由中路進。丹陛清樂作。奏玉殿雲開之章。衆皆起立。進爵大臣出。釋補服於殿門檻外。西旁東向立。掌儀司官上

殿階在檻外東旁西向立。鴻臚寺堂官引額駙并伊族中人員。出至階下兩旁排立。掌儀司官酌酒進爵大臣。進前跪。額駙并伊族中人員在殿階下兩旁跪。衆俱於各坐次跪。掌儀司官跪舉爵授進爵大臣畢。起退。進爵大臣接爵起。由中階升。由西邊進

御座側跪進爵

皇帝受爵。進爵大臣起。由西階下。復至原跪處跪。皇帝用酒時。進爵大臣行一叩頭禮。衆皆行一叩頭

禮。進爵大臣起仍由西階升。跪接爵。由中階下。至原跪處跪。掌儀司官進。跪接爵。退。眾先起立。掌儀司官以金卮酌酒進。立。

賜進爵大臣酒。進爵大臣跪接。行一叩頭禮。飲畢。掌儀司官立接卮退。進爵大臣行一叩頭禮。起。加補服歸班。次鴻臚寺官於

賜進爵大臣酒時。即引額駙并伊族中人員。行一叩頭禮。樂止。眾皆行一叩頭禮。坐。

皇帝用饌。中和清樂作。奏萬象清寧之章。

凡食品於兩邊畢。尚膳官進內饌。分

賜眾畢。進反坫。樂止。

御前侍衛捧酒置

御前桌上。領侍衛內大臣監看侍衛授酒。眾接酒叩

頭。飲畢。復行一叩頭禮。是時蒙古樂歌進。奏蒙

古樂歌畢。反坫

御筵俱徹。眾皆起立。鴻臚司官引額駙並族中人員

至原行禮處聽贊謝

恩行一跪三叩頭禮。如皇子王大臣等奏准入宴。均於坐次行一跪三叩頭禮。

丹陛樂作。奏治平之章。禮畢。樂止。禮部堂官奏
筵宴禮畢。中和韶樂作。奏顯平之章。

皇帝還宮。樂止。眾皆出。鴻臚寺官引額駙并伊族中
人員至。

內右門外不贊。向

皇后宮行三跪九叩頭禮。退至筵宴設席。王大臣侍
衛坐次。繪圖恭

呈

御覽 如額駙係外藩其引禮設席均係理藩院堂官會同辦理。額駙族中女眷。

於

皇太后宮筵宴儀注。是日早。掌儀司內監設中和韶樂
於

慈寧宮檐下。設丹陛樂於

慈寧門內檐下。俱北向。鴻臚寺官率額駙并伊族中
人員俱朝服於

慈寧門外不贊。行三跪九叩頭禮。額駙族中女眷俱
朝服。進爵命婦及前引并引禮散茶酒之侍衛
命婦俱蟒服於

永康右門外咸集。內務府視設席。尚膳女官。內管領妻等。豫設。

皇太后大宴桌於

寶座前稍遠。設

皇后宴桌於

寶座東旁僉向。設

皇貴妃

貴妃

妃

宴桌。於東西稍後。各豫設坐褥。設額駙族中女

眷桌於西邊。東向。設進爵命婦侍衛命婦等桌

於月臺上東邊。西向。張黃幕。陳金器於

慈寧門下。至時。禮部堂官令內監引額駙族中女眷

進爵命婦侍衛命婦等於

啟祥門外排立。禮部堂官轉傳內監。奏請

皇后率

皇貴妃

貴妃

妃

嬪具龍袍補服乘輿依次出

啟祥門侍衛命婦等前引額駙族中女眷等後隨

至

徽音右門降輿引禮侍衛命婦引

皇后

皇貴妃

貴妃

妃

嬪等至各位依次立引額駙族中女眷至丹陛上

由總管太監奏設宴齊備請

皇太后陞

慈寧宮寶座

皇太后具龍袍補服出宮中和韶樂作奏豫平之章

皇太后陞座樂止引禮侍衛命婦引額駙族中女眷依

次向上排列立定行六肅三跪三拜禮丹陛大

樂作奏益平之章禮畢樂止

皇后

皇貴妃

貴妃

妃

嬪各於本位行一叩禮。坐。引禮侍衛命婦。引額駙族中女眷人坐。次行一叩禮。坐。尚膳女官內管領妻等。進大宴桌於

皇太后前。丹陛清樂作。奏海宇昇平日之章。尚茶女官進茶。

皇太后用茶時。

皇后

內庭主位以下。各於位次跪。行一叩禮。茶畢。內府女官進

皇后

皇貴妃

貴妃

妃

嬪茶。侍衛命婦等分

賜額駙族中女眷茶。

皇后

內庭主位以下。俱於位次行一叩禮。飲畢。復行一叩禮。坐樂止。展席幕。內管領妻由反坫取捧臺盞。盞壺卮由中路進。丹陛清樂作。奏玉殿雲開之章。

皇后

內庭主位以下。俱起立。進爵命婦出殿檐外西旁東向立。內管領妻等上殿階在檻外東旁西向立。引禮侍衛命婦引額對

族中女眷出。至階下甬路兩旁跪。

皇后

內庭主位以下俱跪。內管領妻捧爵跪授。進爵命婦起。退。進爵命婦接爵起。由中階升。由西邊進

皇太后座側跪。進爵。

皇太后受爵。進爵命婦起。由西階下。復至原跪處跪。

皇太后用酒時。進爵命婦行一叩頭禮。

皇后

內庭主位以下。俱行一叩禮。進爵命婦起。仍由西

階升跪接爵。由中階下。至原跪處跪。內管領妻跪接爵退。

皇后

內庭主位以下。俱先起立。引禮侍衛命婦引額駙族中女眷入坐次立。內管領妻以金卮酌酒進立。

賜進爵命婦。進爵命婦跪接。行一叩禮。飲畢。內管領妻立接卮退。進爵命婦行一叩禮起。就坐次。樂止。

皇后

內庭主位以下。皆行一叩禮坐。

皇太后用饌。中和清樂作。奏萬象清寧之章。

恩賜食品於兩邊。尚膳女官進肉饌。分

賜與額駙族中女眷。及進爵命婦。侍衛命婦等畢。內管

領妻女官等進反坫。樂止。侍衛命婦於

皇后

皇貴妃

貴妃

妃

金匱要略卷之四十四 禮儀 三
嬪前各進酒一次。

皇后

皇貴妃

貴妃

妃

嬪各於本位行一叩禮。飲畢。復行一叩禮。坐。內管領妻各二人引侍衛命婦等於額駙族中女眷各巡酒一次。額駙族中女眷亦各於坐次行一叩禮。飲畢。復行一叩禮。坐。是時內監垂簾。蒙古

樂歌人員由

慈寧門東門入。至丹陛上奏蒙古樂歌畢。退出。內監升簾。

皇后

內庭主位以下皆起立。引禮侍衛命婦引額駙族中女眷在丹陛上依次向上排立謝。

恩行二肅。一跪。一叩禮。丹陛樂作。奏益平之章。禮畢。樂止。總管太監奏請

皇太后還宮。中和韶樂作。奏履平之章。

皇太后還後宮。樂止。引禮侍衛命婦引。

皇后

皇貴妃

貴妃

妃

嬪至

徽音左門外。乘輿還宮。額駙族中女眷等隨出。至

隆宗門外咸集恭候於

皇后宮行六肅三跪三拜禮。各退。○額駙族中女眷

於

皇后宮筵宴儀注。在

內廷何處筵宴。禮部先期請旨。嘉慶七年。固倫莊靜公主

初定禮。奉旨。皇后御是日早。掌儀司

儲秀宮筵宴。是年儀注謹載。太監設中和韶樂於

宮檐下。設丹陛大樂於

宮門內左右。俱北向。

派出陪宴之公主福晉等咸衣蟒袍補服。額駙族中

女眷。咸衣朝服均詣

儲秀宮門外咸集。內務府視設席。尙膳太監。豫設

皇后宴桌於

寶座前稍遠設

妃

嬪宴桌於

寶座東西兩旁稍後

派出陪宴之公主福晉宴桌由內務府按次陳設各

豫設坐褥設額駙族中女眷宴桌於地平下西

旁東向張黃幕設反坫於

宮門內正中臺盞壺卮皆具至時

妃

嬪具龍袍補服由內宮出首領太監引至

儲秀宮各就位次少立首領太監奏設宴齊備請

皇后出宮

皇后具龍袍補服出宮首領太監前引中和韶樂作

奏淑平之章

皇后御儲秀宮陞座樂止引禮太監引額駙族中女

眷至階下依次向上排立行六肅三跪三拜禮

丹陛大樂作奏正平之章禮畢樂止

妃

嬪公主福晉各於本位行一叩禮。坐。引禮太監引額駙族中女眷各入坐次。亦行一叩禮。坐。尚膳太監進宴桌於

皇后寶座前。丹陛清樂作。奏海宇昇平日之章。尚茶

太監進茶。

皇后用茶時。

內庭主位以下各於位次跪行一叩禮。茶畢首領

太監進

妃

嬪公主福晉茶並分

賜額駙族中女眷茶。各於位次行一叩禮。飲畢復行

一叩禮。坐樂止。首領太監展席幕。就反坫取捧

臺盞壺卮。由中路進。丹陛清樂作。奏玉殿雲開

之章。

內庭主位以下俱起立。進酒命婦出。在

殿楹外西旁東向立。引禮太監引額駙族中女眷

出。至階下甬路兩旁跪。

內庭主位以下俱跪。首領太監捧爵。跪授進酒命婦。畢起。退進酒命婦接爵起。由中階升。由西邊進至。

皇后座側跪。進爵。

皇后受爵。進酒命婦起。由西階下。復至原跪處跪。

皇后用酒時。進酒命婦行一叩禮。

內庭主位以下俱行一叩禮。進酒命婦起。仍由西階升。跪接爵。由中階下。至原跪處跪。首領太監跪接爵退。

內庭主位以下俱先起立。引禮太監引額駙族中

女眷入坐次立。首領太監以金卮酌酒進立

賜進酒命婦。進酒命婦跪接。行一叩禮。飲畢。首領太

監立接卮退。進酒命婦行一叩禮。起。就坐次。樂

止。

內庭主位以下皆行一叩禮。坐。

皇后用饌。中和清樂作。奏萬象清寧之章。

恩賜食品於兩旁。尚膳太監進肉饌。分

賜與額駙族中女眷畢。進反坫。樂止。首領太監於

妃
嬪公主福晉前各進酒一次。

妃

嬪公主福晉各於本位行一叩禮。飲畢復行一叩禮。坐引禮太監於額駙族中女眷前各巡酒一次。額駙族中女眷亦各於坐次行一叩禮。飲畢復行一叩禮。坐是時南府太監於

宮門內階下奏滿洲樂歌。演戲三齣。戲畢退出。內庭主位以下皆起立。引禮太監引額駙族中女

眷至階下。依次向上排立謝。

行二肅一跪一叩禮。丹陛大樂作。奏正平之章禮畢。樂止。首領太監奏請

皇后還宮。中和韶樂作。奏順平之章。首領太監前引皇后還宮。並分引

妃

嬪還宮。樂止。引禮太監引公主福晉出。額駙族中女眷隨出。鴻臚寺官引額駙並伊族中人員朝服至。

內右門外不贊行三跪九叩禮禮畢各退如額駙係外藩

則會同理藩院堂官帶領行禮。如

皇后未經御宴謹按嘉慶六年和碩莊敬公主初定禮。皇后未經御宴。內庭主位在

在翊坤宮筵宴是年儀注謹載

內庭主位在

翊坤宮舉行筵宴是日額駙族中女眷咸衣朝服進

翊坤宮院內排立

派出陪宴之公主福晉俱蟒袍補服咸集豫備

妃

嬪宴桌於

皇后寶座兩旁設公主福晉宴桌於地平下東旁設

額駙族中女眷宴桌於地平下西旁至吉時

妃

嬪具龍袍補服由內宮出前引總管引至

翊坤宮各就位次少立絃索承應迎送引禮太監

引額駙族中女眷依次向上排立行六肅三跪

三拜禮禮成

妃

嬪陞座公主福晉各於本位行一叩禮坐引禮太

監引額駙族中女眷入坐次行一叩禮坐茶房

首領太監捧茶桌由中路進至

殿檐下總管首領進

妃

嬪茶滿洲樂歌承應首領太監等分賞公主福晉

及額駙族中女眷茶各於位次行一叩禮飲畢

復行一叩禮坐首領展席幕捧酒桌由中路進

南府人等演戲首領等酌酒跪授進酒總管首

領跪接爵起由中路升地平至

妃

嬪座位前跪進

妃

嬪受爵進酒首領太監分賞公主福晉及額駙族

中女眷酒皆行一叩禮飲畢復行一叩禮坐膳

房首領太監捧肉桌由中路進

妃

嬪用饌畢。首領太監等分賞公主福晉及額駙族中女眷肉饌。戲畢。

妃

嬪及公主福晉起立。引禮首領引額駙族中女眷至階下。依次向上排立謝。

恩行二肅一跪一叩禮。總管太監奏宴畢。

妃

嬪還宮。首領太監引公主福晉出。額駙族中女眷隨出。鴻臚寺官引額駙並伊族中人員仍朝服。

至

內右門外。不贊行三跪九叩禮畢。各退。如額駙係外藩仍會

同理藩院堂官帶領行禮如前儀。釐降前一日。額駙蟒袍補服。

率族人詣

乾清門外

內右門外。行三跪九叩禮。各如儀。內務府官率鑾

儀衛校尉。以公主粧奩詣額駙邸第。內管領命

婦陳設。屆日。額駙家備九九禮。詣

午門恭納。

皇太后御慈寧宮筵宴

皇帝御保和殿筵宴。如初定禮。和碩公主。禮停止此宴。是日陪送

之王福晉。貝勒貝子夫人。暨內務府大臣命婦二人。內管領命婦十人。皆盛服於

宮外別室祇候。贊事命婦。豫詣額駙邸別室祇候。

步軍統領。飭屬灑掃。清道。鑾儀衛備儀仗。綵輿。

內務府大臣一員。官屬四員。內管領二員。護軍

參領二員。護軍校二員。蟒袍補服。偕護軍二十

名。於綵輿所出宮門前祇候。升輿吉時。屆公主

吉服詣

皇太后

皇帝

皇后前行禮若

皇貴妃

貴妃

妃

嬪所出並於

皇貴妃

貴妃

妃

嬪前行禮各如儀異命婦導翼升輿內校昇輿行
出宮儀仗前列陪送之福晉夫人及隨從命婦
乘輿隨行內務府總管內總領乘騎少遠導從
叅領及護軍乘騎護行詣額駙邸第及門衆下
馬步入儀仗止及儀門各官止輿入至廳事正
中輿止命婦階下下輿升堂導公主出輿福晉
夫人下輿隨公主入室額駙父禮賓於外堂額

駙母禮女賓於中堂饗各執事人合卺吉時屆
費事命婦上合卺酒設宴額駙與公主行合卺
禮衆退九日歸寧行謝

恩禮公主額駙夙興朝服公主詣

皇太后

皇帝

皇后及所出之

皇貴妃

貴妃

妃

嬪前行禮額駙詣

慈寧門外東階下

乾清門外

內右門外行禮各如儀畢還邸第

郡主以下婚禮

一凡郡主以下奉

旨賜婚者由掌儀司奏准指婚吉期並請

派指婚大臣

命下各部行知宗人府知會指婚大臣及額駙至日

咸蟒袍補服具紅摺片謝

恩禮部堂官率屬吉服詣

乾清門祇候傳

旨

一

皇孫女及王公之女蒙古王公之女由

大內聘嫁者內務府奏請格格品級及初定禮成

婚禮日期知會禮部轉行該衙門知會額駙家

豫備。成婚前期。禮部奏請額駙品級。郡主視郡

王福晉。額駙視武職一品。縣主視貝勒夫人。額

駙視武職二品。郡君視貝子夫人。額駙視武職

三品。縣君視鎮國公夫人。額駙視武職四品。鄉

君視鎮國將軍夫人。額駙視武職五品。若郡主

額駙官爵在一品以上。則從其爵。郡主額駙以

下同。王公之女。自行得聘嫁。其品級同。

旨。知會該旗戶部。詳彙封宗室親。并會同內務府具

奏成婚事宜。謹按乾隆九年。禮部具奏。貝勒之

拉布例。應授為鄉君。額駙。但伊原有縣君。額駙

品級。應否授為鄉君。額駙。或仍留縣君。額駙。奉

旨。仍留縣君。額駙。品級。○四十五年。輔

國公永琨之女。奉旨。封為鄉君。聘與縣

君額駙丹巴多爾濟。仍留原品級。

世祖章皇帝天潢支派。准其照王公品級。封給郡主。縣

主及郡主。額駙。縣主。額駙等。按品食俸。至遠派

王公之女。俱照例。封給虛銜。毋庸復給俸米。謹按

乾隆三十六年。議定。額駙給與俸

祿。均有差等。給至縣君。額附為止。

內廷撫養格格嫁朝臣者額駙不進初定禮物進

成婚禮物。

郡主馬七鞍七縣主馬五鞍五郡君馬四鞍四縣君馬三鞍三鄉君馬二

鞍由禮部具奏。

旨下。知照該旗轉傳額駙家屆期於

午門前納進馬交與上駟院鞍交與武備院嫁外

藩者應進初定禮物。

郡主駝一馬四羊四縣主駝一馬三羊五郡君駝一

馬二羊六縣君馬三羊六鄉君馬二羊七

由理藩院具奏進成婚禮

物。郡主馬六牛六羊六十縣主馬五牛五羊五

三十鄉君馬二牛二羊二十由禮部具奏。

旨下。知照理藩院轉傳額駙家屆期於

午門前納進駝馬交與上駟院牛羊交與慶豐司

其賚送男婦

郡主女子六名人四戶縣主女子四名。人三戶郡君女子三名。人二

戶。縣君女子二名人二戶鄉君女子二名

許嫁朝臣與許嫁外藩同

初定禮停止筵宴成婚禮照例筵宴。

詳精膳司

一成婚前期一日額駙帶領族中人員在

乾清門行謝

恩禮。朝臣額駙由禮部具奏外藩額駙由理藩院具

次定禮及引列

儀制清吏司

奏。

一 成婚日筵宴。詳精膳司。茶。光祿寺豫備。羊酒。額駙

家豫備。在額駙家陳設。禮部內務府大臣。外藩額駙

并有理藩院堂官。看管人。宴之內大臣侍衛。交領侍衛

內大臣出派。并額駙之族中職官命婦。俱蟒袍

補服入宴。

一 喜轎校尉駕衣。交鑾儀衛豫備。其格格升轎

處所。并經過街道。先期咨查行文。兵部步軍統

領。鑾儀衛管轄。

一 合卺。應取結髮官員夫婦職名。由禮部行人

旗查取。咨送內務府派委。并豫備藍幔。付精膳司豫備

一 陪給粧奩。格格每日食物。成婚奏

派送親夫人。公主皇孫女。奏。派送親夫人。內廷撫養格格。由本家下嫁。即令本家福

晉夫人送親。不必奏派。由內務府具奏。合卺。應用鍾壺匙

筭。迎娶。應用燈籠火把。檀條。送粧。安粧。做淨酒

黏飯。給送茶飯。應用內管領夫婦。并導引隨從

人員。昇輿之頭班末班內監。由內務府豫備出派。

一九日歸寧禮部劄欽天監擇吉具奏歸寧禮儀內務府派內管領妻二人導引格格於

皇太后

皇帝

皇后前行六肅三跪三拜禮禮成於

皇貴妃

貴妃

妃

嬪前行四肅二跪二拜禮其行禮帶領處所交官

殿監督領侍請

旨如由各王公府迎娶者內管領妻導引行禮後仍

赴王公府第歸寧額駙禮部堂官帶領如係外

會同理藩院堂官帶領詣

慈寧門外東階下

乾清門外甬路東旁行三跪九叩禮於

內右門外行二跪六叩禮

駕駐圓明園額駙詣出入賢良門外

謝恩又於右門外行禮

一凡王公之女許嫁朝臣及外藩由本家自行

辦理者俱奏

間請

旨至成婚時格格額駙應得品級由宗人府查覈知

會到部禮部奏請品級

堂官

會到部禮部奏請品級

王公親戚

旨由各王公親戚

會到部禮部奏請品級

